



PRIMA SESSIONE URDINARIA DI U 2019
1ère session ordinaire de 2019
25 è 26 d'Aprile
25 et 26 avril
2019/O1/040

MOTION AVEC DEMANDE
D'EXAMEN PRIORITAIRE

Motion déposée par Vannina ANGELINI-BURESI au nom du groupe CORSICA LIBERA

Objet : *Spiazzamenti medicali in cuntinente*

VISTU u rapportu à nantu à i spiazzamenti medicali adupratu à l'unanimità di u CESEC u 18 di sittembri di u 2018,

VISTU a deliberazione nu 18/361 AC di u 26 d'ottobre di u 2018,

CONSIDERENDU a respunsabilità di u Statu in u ritardu è in a debbulezza di l'ufferta di salute in Corsica,

CONSIDERENDU a necessità di spiazzassi in cuntinente pè i malati è e so famiglie,

CONSIDERENDU chì sti spiazzamenti medicali anu cunsequenze finanziare è murale,

CONSIDERENDU chì ste cunsequenze sò imeghjurite quandu u malatu hè un zitellu,

CONSIDERENDU e numerose problematiche di sti spiazzamenti,

CONSIDERENDU chì quandu ùn ci hè urgenza vitale i spiazzamenti ùn si facenu in aviò sanitariu,

CONSIDERENDU chì ci tocca à precisà a deliberazione nu 18/361 AC in quantu à e mudalità d'accolta, d'arrigistramentu è d'imbarcu,

CONSIDERENDU chì si pò piglià misure aspettendu a messa in opera di a prossima DSP di i trasporti aerei Corsica - cuntinente,

L'ASSEMBLEA DI CORSICA

DUMANDA a messa in appieccazione di e trè prime proposte di u CESEC chì rilevanu di a so cumpitenza,

DUMANDA di migliurà e cundizione d'accolta di i malati in li porti è aeruporti di partenza ver di l'isula cum'ellu hè statu messu in piazza à l'aeruportu di Marseglia,

DUMANDA di migliurà e cundizione d'arrigistramentu è d'imbarcamentu priuritariu in li porti è aeruporti pà i malati è quelli chì l'accompagnanu,

DUMANDA l'accessu priuritariu à i trasporti par i malati è quelli chì l'accompagnanu in situazione di partenza ò di ritornu par raghjò medicale, incù a priurità ind'è l'aviò ancu sè quessu quì hè cumpletu

DUMANDA infine chì unu di i dui parenti pudessi piglià cù u so zitellu malatu l'aviò sanitariu quand'ellu hè pussibbule.